

عبد راضى الشامى

# سفر ومحطات

أشعار

صدرت الطبعة الأولى فى أكتوبر 2018

## بطاقة الكتاب

عنوان المؤلف : سفر ومحطات  
المؤلف : عبد راضى الشامى  
التصنيف : أشعار  
رقم الإيداع : 2018-19183  
الترقيم الدولى : 978-977-6656-84-0  
عدد الصفحات : 100 صفحة  
رقم الإصدار الداخلى : 255  
تاريخ الإصدار الداخلى: أكتوبر 2018 ( الطبعة الأولى )

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجارى: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسى: ج.م.ع محافظة الشرقية - العاشر من رمضان - مجاورة 13 - أمام سنترال 13 - عقار 304

# إهداء

الى كل عشاق الكلمه الشعريه الجميله والمفرده  
المعبره عن المشاعر الانسانيه الجميله

والى كل اصدقائي ومحبي نتاجاتي الشعريه والادبيه

والى كل من يتابعني

اهدي مجموعتي الشعريه (سفر ومحطات ) وارجو ان  
تنال رضاهم واعجابهم

عبد راضى الشامى

# المقدمة

ان لكل فرد رأي في حياته ورأيي انا  
ان الحياة عبارة عن سفر والعمر هو القطار والسنين هي  
المحطات والناس هم المسافرين وكل ماوصل القطار الى  
محطه نزل منه عدد من المسافرين وحتما سيصل الى  
محطته الاخيريه وينزل منه جميع الركاب وكل يمضي الى  
طريقه ولم يبق شئى سوى الذكريات

عبد راضى الشامى

## السفر

السفر تعب اجدامي ونكّض الحيل  
وليليه ابعجان ارويحتي اتبات  
يشت بيه النهار ومن يجي الليل  
عشاي همومكم وافراشي اهات  
الفراكين اصدقائي وسجة الريل  
الحبيبه وصارت ابيوتي المحطات  
اسافر والدمع من عيني ايسيل  
واجيوبي انملن كلهن بطاقات  
تعب من السفر كلبى وصرخ ويل  
وعجز جدمي المشه بدرب المتاهات  
ادك باب القصور ام الشناشيل  
وتدير وجوهن عني الجميلات  
نزل دمعي ومله اجفوف المناديل  
وكلت وسفه اذن ريل العمر فات  
اذن طاح الخريف بوركي تذبيل  
واذن كوثر شبابي والورد مات

# نخل السماوه

يانخل السماوريه وياك اريد احجي  
واسولفلك سواف عالمضه وفات  
حدر فيك لعبنه اسنين وايام  
ونحس حبك مع الشريان نبضات  
اذا جعنه وتعبنه الفيك انعود  
يهب ريح الهوه وتوكل الرطبات  
ناكل تمر نشرب ماي الانهار  
اشكتر شفته ابساتينك ملذات  
يابيت الحنان اللمنه واحنه اطفال  
ياذكرى الطفوله واعز جلمات  
يا ام العشائر والمضايف ذيج  
يا ديرة هلي يا طيبة الذات  
ابجنح كل طير ابعث لج تحيات  
وعلى سعف النخل اطبع البوسات

## امي - امي

امي - مدرسة حب  
ووفه --- والخلص  
كلب امي  
حنين ومرهف احساسه  
اهي حبه وامنه  
وكلشي بالدنيه  
واهي طيبة عمره  
ونشوته وكاسه  
روح امي  
حنينه - ودافيه - وترفه  
تطوف اعلاه المهد  
خاف البرد جاسه  
تضل تسهر ليالي  
وتعد بالساعات  
جفنها ابكل حنان اغازل انعاسه  
انه امن امي  
اعرفت اجمل معاني الحب  
لان حبها بحر وايتيه غطاسه  
امي ذراع ابوي ابساعة الشده

تنومس بيه ويقوه اعله الوكت  
امي اتحملت ضيم وفقر وهموم  
لجن عدها الكرم ما نزل مقياسه  
امي بايدها البركه وطبخها أيزود  
يطاوعها القليل ويترس الطاسه  
ابوي ابدونها ابحس ابفراغ ايعيش  
واحنه اكل عددنه انقاسمه احساسه  
امي جامعة حب وكرامه وطيب  
اذا ادرس عمر  
ما تخلص ادراسه



# اريد انساك

اريد انساك - وانتہ ارجوڪ تنساني  
ولا تذكر بعد اسمي  
ولا اسمك اجيبه ابطارف الساني  
ولا تسهر بعد واتناظر اطيوفي  
ولا اسهر واطل لطيوفا امتاني

----

حبيبي ارجوڪ  
احرك كل مكاتيبي  
حبيبي ارجوڪ  
احرك حتى عنواني  
لان درب المشيته وياك  
مابيه كل نهايه وماكو حل ثاني

-----

اذا كنتك حبيبي اوفي  
كبل لاتحجي ادري اشرايح اتكلي  
شنتظرك؟؟؟؟؟؟؟؟؟؟  
اذا ريل العمر باخر محطه ايصيح  
واذا فات العمر- جا بعد شيطان لي  
تعال انحط عشكنه ابخشبة التابوت

وعلى حبه صلاة الميت انصلي

-----

كُضيت العمر شجره ابسموم الصيف  
واشواكك ربن وارتون من ظلّي  
وانه الرّخصت روعي وعزّيزه الروح  
وانته شما ارخص شفّتك اتغلي  
وانه اتنازلتلك لحد اخر ساف  
وانته شما انزل سافك أيعلي  
شفّت حبك قطار وخم الولايات  
تهت والناس غربه ومحد أيدي  
وشفّت حبك بحر والروح كشايه  
مابيه كل جرف جا المن اتولي  
وشفّت تعب التعبته وياك ما غرّر  
وانه ابدال الملح دم ركتتبتي امخلي

-----

اريد انساك  
وانته ارجوك تنساني  
وخل طاري العشك  
ويه الهوه ايولي  
واريد اصبر  
واكل للروح  
ياروحي  
ابطواري اشواكنه اتسلّي

# شكتب الكم

شكتب الكم  
يامسية العافيه  
المرت عليكم  
شكتب الكم  
يل اساميكم شموع  
ووجوهكم كمره  
وتشع للمعتنيكم  
شكتب الكم  
وانه خلّيت الكلب  
محبس بديكم  
شذره زركه  
ومن عيون الوادم  
التحسد تقيكم  
شكتب الكم  
ياوزن يا قافيه  
الترهم عليك  
والشعر لملم اوزانه  
وكتب الكم قصيده

ورف كلبها الشوفكم  
رادت تجيكم  
وانتم اشما غبتو عني  
ابقه احبكم  
ويبقى بس الكم حيني  
وروحى بيكم  
روحي -- بيكم

# مر بيہ

مر بيہ ابللم  
افرح واکولن جيت  
واکول اهلا يکلبی  
وروحی البیہ  
من اشوفک  
مزهریہ العمر کلہ يصیر  
وترد سنینی بالعشرین وشویہ  
یل طولک شوصفه  
ویا رهاوه البیہ  
نخله وشامخه وعثوکہ برحیہ  
یل حسنک نجوم  
وضاویہ ابنص لیل  
والوجنات شعن شبہ کمریہ  
رضاب اشفايفک  
کالعسل من ينضاگ  
واسنونک اللیلو السابحه ابمیہ  
یانهر المحبه  
الغافي وسط الروح  
تبرد نار کلبی ابرودته ومیہ

يا نشغة حسرتي  
واه تـلـحـك اه  
يا عمري الكضيته  
وماشفت جـيه  
يا غيمه ابسماي  
اشلون اذا ماجيت  
مو زرع العمر نشفت سواجيه  
مر صيهود بيها  
وعوسجت روعي  
جا مزنة امطارك  
ماتمر بـيه  
ولك نشفت لهاتي  
ويبس الشفتين  
ارحم لهفتي  
وارجوك رد لـيه

تعال وخلصيت العمر  
كله اصيام

رمضان البعد  
طالت لياليه  
مر بيه فجر

وهلال فرحه وعيد  
كافي من الظلام  
امخيم اعليه  
تعال اتمرّج ابروحي  
واهزك حيل  
واهديك بكايه الروح عيديه

2018\\6\\22

## شبسرعه رحت؟؟

كانت تنتظر حبيبها  
ولكن؟؟

شبسرعه رحت  
ما فال شوكي وياك  
يل عمرك كصير  
ابسرعه حل يومك  
ياقص الشكر  
يالذبت بالتابوت  
دلاني النمل  
ملتَم على ارسومك  
يل كلك حلو  
ماشفت مره وياك  
عسل يتناكطن  
من اغسل اهدومك  
امس من خابرتني  
وكلت باجر جاي  
وانه ابشووك  
وانظر بزغة انجومك



لاجن والقدر  
للموت عجل بيك  
تتناكط حزن  
من جتني اعلومك  
ودعت الفرح  
يفلان وي فركاك  
يالتسوه العمر  
واكثر بعد سومك

# يهواي

انه ابدنياي  
ياما عاشرت ناس  
بس مثلك  
فلا شايف ابدنياي

--

ترضه وياي يوم  
وتزعل اسبوع  
مدري اشلون  
ترضه وتزعل وياي  
لانتته بحر  
لا انتته سفان  
لاطبع السفينه  
ولا طبع ماي  
دوم شراع حبك  
للهوه ايميل  
وعكس كل الرياح  
ايميل بهواي  
هم هاذه عمر واكضيه وياك  
هم عشره يخايب تنحسب هاي

يوميہ ابطعم  
كل يوم الك لون  
ولا فديوم تصفاك على راي  
وي غيري حلاوه  
وعشرتک لوز  
والي طعم الشري  
وبي تمرّد اجلاي  
كلي اشغيرك يالجنّت حباب  
جنّت تتمنه شوفي وتحب ملكاي  
وجنّت حافض اشعاري اكل الاوزان  
وجنّت تطرب الصوتي وتعشك اغناي  
وجنّت اتكول صوتك ناي مبجوح  
وانه اشكد احين بحّة الناي  
ليش اندار كلبك بالعكس صار  
شمسك بدلتها ابليل وفياي  
دفو العشره الحنيه  
الجان لهّاب  
ليش ايريد يخمد  
والبرد جاي  
اذا بالصيف  
جامد بيك الاحساس  
انه بيا ناراذوبك  
من يجي اشتاي

# يـنـعـاـعـه

يورده - وياطر فواح  
يطولج غصن نعاغه  
يحلوه وياعسل ملكاج  
يطعم البرحي واطباعه  
يابرد الشته-

ويا زخة الحالوب  
يا دفء الربيع  
وخضرته وكاعه  
ياتفاح خدج طاح بالميحان  
حل وكت الحصاد  
وروحى طماعه  
تين ومشمش ورماني  
حسنج فاكهه وسبحان صنّاعه  
اذن حكي  
من اصوغ الروح هاي سوار  
واحط كلبى  
اعله صدرج كون دلاعه  
عيونج بحر ازرك

والرمش سقّان  
وحواجبها سيوف  
وحيل كطّاعه  
ايه من الحسن  
واعله الارض تمشين  
سبحانه الصنع حسن  
ينعاعه - ينعاعه

# يالمبعد

يالمبعد عليه - وكلنه نترجاك  
ماتدري اشكتر ياحلو اشتكنالك  
تذكرنه شوكت وانمر عليك ابال  
ننتظرك تجينه وكلنه نبرالك  
ياعطر المحبه ونفحة القداح  
صمنه وانتة عيد وننظر اهلالك  
لاتبعث رساله ولا خبر لهواك  
ما اعرف شببك ومادري شمالك  
نقالك عطل؟ - شو مايرن شببيه  
اخذ عمري رصيد واملي نقالك  
اتدل عليه واطلب شما اتريد  
كل اللي تريده يصير يجرالك  
صحيح انتة ابعدت  
لاكن الك بالروح  
صوره وبالكلب منحوت تمثالك  
تعال ومن تجي الدلال يتلگاك  
عن حر الشمس بالروح فيالك  
لوما انتة عزيز الدمع جاما سال

جا ما نزل مطره وبلل ارمالك  
واذا تختبر حبه لا ورب الكون  
كل بت اكلينه اتهدل وشالك

-----

تعال وطش ضحكك واملي كل الكون  
يالكل العمر وسنينه تفدالك  
حسبالك نسيته من غبت يومين  
حسبالك غبت عن بالي حسبالك  
ولك انه الهوه  
وما عيش انه ابلياك  
تقطع ريتي  
من تقطع وصالك  
ماتلكه ابحناني  
لو تخم الكون  
وانه شما ادور  
مالكه امثالك  
يخايب دنيتك  
تمشي ورحاها اتدور  
لتغرك الدنيه  
وتكلب احوالك  
سمعي غناك  
وصوتك المحبوب

خل تتعش رحي  
بصوت مؤالك  
وعذالك اقهرهم  
خلهم يموتون  
لعيونك فده  
يرحون عذالك  
وانرد ابسعاده  
ونفرح انه وياك  
واكضي سنين عمري  
الباقيه اكبالك



## يائينوى

للموصل الحبيبه

---

اعتينا ابشوك الج يا نينوى  
فرحي بينا ابعلو صوتج هلهلي  
انجمنه اطياف والوان العراق  
ورد عليه الحيل ذاك الاولي  
جاين الحظنج الدافي الحنين  
كومي لاحبابج يطيبه استقبلي  
ذبي ثوب الحزن كافي من السواد  
والظلام الغطه وجهج ينجلي  
زالت الظلمه ووصبح ليلج نهار  
نحتفل جينا ونغني السيدلي  
من طبعنه العظيم مانصبر عليه  
ولا انام على الظلم من ننولي  
احنه ولدج نرفع الحمل الثجيل  
كولي شتردين اطلبي ادللي  
ماتفرقنا العواصف والرياح  
يا جبال اكبال حبنه اتزلزلي  
جينا متوحدين بجنوب وشمال  
وعيسى والفاروق فزعوا وي علي

# ياكلبي

ياكلبي دوس الدرب  
يا كلبى خو جربت  
عازة الدنيه وشفقت  
محد فزعلك واجه  
بس مال حملك طحت  
واللي زمطلك جذب  
ماجاك لمن طحت  
وحدك حملت الالم  
كوه اعله جرحك كمت

---

يا كلبى دوس الدرب  
رغم المخاطر وامش  
خل حسرتك بالصدر  
والدمع حده الرمش  
لا تشكى جرحك لاحد  
جرح البغيرك خدش  
طيبات انتة ازرعت  
واكضيت عمرك ترش  
بس كاعهن صبحت

مانبت منهمن هرش  
واحباب كلبك قسوا  
نبشو جروحك نبش  
عوف القهر ياكلب  
وانسه العتب وانتعش  
محد يقدر التعب  
بس الله رب العرش

# يازين

بازين يابو الحسن  
-- يمعّجب المخلوك  
حسنك شبه فاكهه  
-- والبيع شرط الضّوك  
والكلبه بيه لهفه  
من شوفته يشفه  
وصفوه اليه دوه  
ووجوده شح بالسوك

حببتك انه ابوفه  
ووهبتك احساسي  
وخليتك انتة الامل  
وانته اعز ناسي  
ابحبك لكيت الفرج  
واصعدت اول درج  
لمن وصلت السطح  
اتلولحت من فوك  
الناس لمن طحت

صاحو بعد ميعيش  
وانهضت انه ابخل  
لا ماكو شي بالريش  
متعود اعله الالم  
واعله الجرح والندم  
لوطحت ما انفشخ  
آنه افشخ الطابوگ  
يازين جرحي نرف  
شد جرحي خل ارتاح  
شيفيده گلي الغرك -  
- لو جلب اسباح  
كلسا يغطه الروج  
كط مايعرف ايفوج  
الموت ضاكه غصص  
كل ساعه غصه ايصوك  
جاوبني وابلا خجل  
ماكو دوه الجرحك  
ولو عندي كومة فرح  
بغرام ما فرحك  
انته المشيت الدرب  
وانته اعتيت المحب  
ومادام اهوه ال اجه  
خل يرفس اذا المخنوك

## يا دكتور

يا استاذ اشكيلك حاله  
هم مریت ابهاي حاله؟  
کلبی من ایشوفه ایظل ایدک  
ایدک ویفحط مدري اشماله  
لا انه ادري اشصار ابروحي  
ولا دکتور ایشخص احاله  
هم مریت ابهاي احاله؟

---

مرات اتباوع بعیونه  
اعیونه ایشجن کلبی ابفاله  
ومن احجی النکتہ ویتبسم  
عید ایصیر ویضوی اهلاله  
ولو نادانی وصاح اباسمی  
یرد عمري ویضون اماله  
عندی اجمل واحد بالدنیه  
وماکو ابهاي الناس امثاله  
ولو یوم ایمر وما شوفه

ظلمه الدنيه وتطفه اللاله  
هم مريت ابهاي الحياه ؟

---

يا دكتور ارد اسمع رأيك  
كلي اشلون اتطيب جروحي  
اوصفلي علاج ال هالحاله  
بلكي اشويه اتهود روجي  
بلكت تنشف دمعة عيني  
وبلكي شويه اخفف نوجي

ياروض الحب طك ووخضر  
يعطور الحب هبي وفوجي  
ثارينى ابحبهم ياكلبي  
طايح بس ما ادري بروجي







بالدنيه ظيــــــــم  
لو تشوف الصار بيه  
تنكلب بالووووون  
رأسا تنفجر  
وين اضمك  
واطمأن مــــــــا تنفجر

## من كالك

من كالك تنجرح  
واتشيل كل هالالم  
يا كلبى من هالبشر  
لاتضن واحد سلم  
كالو نحبك صدك  
ضحكو ابوجهك نعم  
بس عكلي منهم قصد  
غير ال ابالك فهم  
كتلك لا تزرع وفه  
بالوفه نبضك حلم  
يالما سمعت النصح  
ظل عيش واحصد ندم

---

كلبهم حجر ما رطب وندماي  
ندمت وما نفع حيفي وندماي  
الدم ينفصل لازم وانا ادماي  
انهدرت والعمام اشمتمو بيه

## من تنزل لمطر

من تنزل مطر  
تلكاني لهفة كاع  
تسكي اهروش كاعي  
وتتبت وتخضر  
ومن تبزغ نجم  
تلكاني وحشة ليل  
يشك نورك ظلامي  
وعمري يتنور  
واذا تطلع شمس  
تلكاني حفته سنين  
عايش بالظلام  
ولا فجر ينظر  
واذا تنفج عطر  
تملي الحياة اعطور  
وكل اسنين عمري  
ابهيل تتعطر  
بس لو جيتني  
لازم تجيني اهلل  
عيد وبه فرح  
والحال يتغير  
واذا اعطش واجيلك

كون اشوفك ماي  
مو مزنه وبعيده  
والك انتطر  
واريدك عون اليه  
ابساعة الشدات  
مو الكاك ماهو  
ابساعة الاضطر  
معبر كون اريدك  
من يجيني الفيض  
مو اغرك ابفيض  
ومالكه المعبر  
ولو شح النظر  
الكاك اليه عيون  
مو تضحك عليه  
ابساعة الاعثر  
لتخليني العن يوم  
شفتك بيه  
والعن قسمتي  
وي حضي ال امعثر  
انا عمري بلم  
والنهر بيه حادور  
شيرد البلم عن الجرف لو طر

## مشكور

مشكور سهمك وصل  
ما داعي اتعيده  
اللي تريده حصل  
مو هذا ال اتريده  
قصدك تحطلي جرح  
واتوسعه واتزيده  
شكرا على هالجرح  
ميفيد تضميده

---

شكرا حبيبي نرف  
جرحك واذاني  
ما اقدر انهض بعد  
مطروح خلاني  
شمسوي هذا الكلب  
من جرحك ايعاني  
وايعض اصبعه ندم  
والندم شيفيده

---

مشكور ماقصرت

زِينِ اللّٰي سُوَيْتِه  
سَهْمُكَ ابْنُصِ الْكَلْبِ  
مَضْبُوطِ خَلِيَّتِه  
يَا صُوجِ وَا بِيَا ذَنْبِ  
يَنْمَرْدِ هَذَا الْكَلْبِ  
يَسْتَاهِلِ اللّٰي جَرِه  
وَالصَّارِ مِنْ أَيْدِه

# ردیت

ردیت - بس شلون - ردیت  
اجر جدمي ايندم  
ودموع واهات  
وادعي الموت  
ياخذ روعي ياريت

ذاك انه العزيز  
الما اطخ راس  
هسه اكبال عين اعداي ذلّيت

عليك انشد وادور بالمحطات  
وادك بيبان واسأل  
لمن ملّيت

انشد عن سراب  
وشبح دخان  
لاعنوان شارع  
لارقم بيت



يا هو اللي انشده  
ايكلي مسكين  
ابدا مانعرفه -- وبالغلط جيت

وين ابيا كتر يفلان الكاك  
ولك كلبي انفطر  
واعليك حنيت

## دمعه

حوار بين ولد وصاحب دكان

---

ولد يم بيتهم دكان  
راح الولد كله  
انطيني دمعه  
ابو الدكان كله اتريد يانوع  
انا ابدكاني  
عندي هواي دمعات  
اكو دمعة يتامه  
ودمع ثكلات  
واكو دمعة هظم  
وادموع اهات  
واكو دمعة فقير  
اتسيل بالليل  
لان باتوا اطفاله  
ابدون عشيات  
وعندي ادموع  
ام وفاكده وحيد  
طالع للشغل

واتفجر ومات  
ومن دمع الارامل  
عندي انواع  
كل دمه ابجرح  
وابكومة اهات  
ها يانوع عمي  
اتريد دمعات  
غال الولد  
لا عمي انتة غلطان  
من هذا الدمع  
املك بحيرات  
بس أنا اريدن  
صمغ دمه  
من هذا ال نلزك بيه الحاجات

## حبيبي انتہ

حبيبي انتہ وعزيز الكلب والروح  
ليش ابلا سبب عن عينيح اتغيب  
تدري انتہ ابغياك تلجم اجرروح  
تو كاطع نزفها ورايده اتطيب  
اوديلك جنت بالورده التفوح  
سلام وتعبت حتى المكاتيب  
انتہ شما جنيت وياي مسموح  
بس لا بالطبع تصبح طبع ذيب  
حبيبي انتہ ملك للحسن معروف  
ولا ينراد لك للناس تعريف  
اعله كل السان حسنك صارموصوف  
خذت حسن المدينة وفتنة الريف  
يالعينك بحر بالخطر محفوف  
اليعبره اتموت بيديه المجاذيف  
انه الياحد اجر حسره واجر اوف  
متى كُلي العذابي يصير تخفيف  
شوكت تخبص سلفنه اصوات الادفوف  
وتصير ابيتنا الهوسات والكيف  
نذر ناذر لحضنك واوكف وكوف  
واطلع العظيم ذاك الفات والحيف

# جروحي

انا جروحي خطيه  
انولدن اتوام  
مايتشابهن بس بالمواليد  
انا ابجسمي ازدحام  
وماكو ابيوت  
اجن حطن تجاوز بالتجاعيد  
يدورن عالفرح  
مايلكن وياي  
بس يوم انلجم عدهن صباح عيد  
اجه يمي الصبر  
يتواسه وياي  
يكلي انطيك صبر  
اشكتر متريد  
كلتله ايامي خلصن  
والعمر فافااااات  
بقه شويه العمر  
والرايده ابعبيببببببببببب

# جرح الحبيب

اوووووف  
من جرحك حبيبي  
اشكد غميچ  
وانته فوك الجرح  
جاي اتذب ملح  
ليش اكّصي العمر  
□ الام وحريچ  
راحه من الام حبك ماتصبح  
مو جنت محبوب الك  
انه وصديچ  
وجان طبعي وياك  
حباب وسمح  
اتعوفني - جي شفت  
مر بيه ضيچ  
كامت جروحك على كلبى تلح  
الضيچ يكضى  
وانهض وابلع الريح  
والظلام - ايبدله البارى ابصبح

والشمس تكشف  
جديدك والعتيق  
الابيض ايبين  
والاسود ينفصح  
انه كاع - وانتة طير  
اشما اتهيج  
--- لازم اترد علي  
مكسور الجنج

## جاي وجكاره وشعر

جاي وجكاره وشعر  
شعر وجكاره وجاي  
ابليا هن اشبع قهر  
ذن سلوتي ابدنياي  
شوف الجكاره اشكثر  
تشرك ابهمي وياي  
مرات اجرلي نفس  
واشهگ واصيحن أي  
دخانها بيه احس  
يجويلي جرح الكلب  
واتهود نار اجلاي  
\*\*\*\*\*

بهذاااي وك يازمن  
وك يا زمن بهداي  
مابيه احمل جرح  
واجروحك انتة اهواي  
صحراء صار العمر  
لاراعي بيه لا ناي



واحباب كلبي ابعـدو  
وانكـطع بـيه الدرب  
لا رايـح ولا جاي

جاي وجـكاره وشـعر  
شـعر وجـكاره وجـاي

## بيت الطين

احجي - خل نولف لاتسكتين  
يل تفاح خدج والحلك تين  
بت بالكلب باقي وكلش اضعيف  
وانتي البيه اكل حيلج تعتين

-----

اسولفلج فرق بيناتنا شلون؟؟؟  
انه ابسكم عايش وانتي تزهين

-----

انه ابن الفقير  
الكاتله الجوع  
وانتي امدلله واهلج زناكين  
انتي اشفتي بيه  
وطحتي بهواي  
وانتي العايشه  
عيشة سلاطين

-----

انه ابظيم عايش طول الايام  
وهدومي عتيكه

ويبتي من طين

----

ماكو ابيتنا ورود ومراجيح  
ولا بلبل يونسج من تزوجين  
وانتي ابيتكم  
كل هاذو موجود  
ديفيدي - وسينما -  
وعالنت تدخلين

-----

نتعشه بدمع لمن يجي الليل  
وغير الاله والون ما تسمعين  
احنه ابيوتنه مو ملك ايجار  
قـــــــــــــــــديمه  
وصايره عش للثعابين

-----

وانتو بيوتكم تتناوش الغيم  
نضيفه وعــــــــــــــــاليه  
وازغرها قاطــــــــــــــــين  
كلش بارده وتشبه جويريد  
ابعر الصيف  
اذا نمتي اتغطــــــــــــــــين

واحنه بلا مراوح  
بس مهفات  
ومن كثر العرك  
نصبح امحصفين  
احنه من الصبح  
نشتغل عمال  
زلمنه اطفالنه  
وحتى النساءين  
كل احنه نكافح  
خاطر انعيش  
ناكل عيشنه  
من عرك الاجبين  
وانتم بالتجاره وغسل الاموال  
بس من الورق عدكم ملايين  
احنه الالف كوه انحصل اعليه  
والمليار عدكم جنه فلسين  
مو من ثوبج انه  
حبيبه ارجوج  
من حبي ابد ما تستفادين  
شوفيلج مقاول  
روحي حبيه  
يبنيلاج قصر  
مو بيت من طين

## باجر عرس

سنتين وانه انتطرك  
ها بلكي يذكرنني ويجي  
ها بلكت ابحالي يحس  
مرعوب كلبي ويرتجف  
يل خذك اطره من الزبد  
خايف عليه لا ينلحس  
لوبيدي احطه ابجام انا  
واكتب عيه  
ممنوع هذا من اللمس

---

وانه انتظر  
ريجي نشف  
هبت علي نسمة هوه  
جسمي نحل  
طكني النعس  
لني ابجلم  
جن راحو ال هلك هلي  
جن راحو وخطبوك الي  
وجن قررو باجر عرس

باجر عرس  
باجر عرس؟  
يا كلبى غنى ابك فرح  
كوم اركص وارديس رديس  
يا حضى من تالى اكعدت  
فدوه اكعد ولا تنحس

---

واتخيلت باجر عرس  
باجر يصير ابغرفتي  
واهل يزفونه الي  
نوبه احجي وياه ابجهر  
نوبه ابهمس  
ويصير ملكي وكله الي  
واشبع حضن واشبع ونس  
ياربي الك كل الشكر  
تنطي البشر  
من دون مايدري ويحس

---

فزيت من هذا اللحم  
ثارينى نايم بالشمس  
واتلافتت ماهم هلى  
ولا كو خطوبه ولا عرس  
ولا غرفه مليانه فرح

واعطورها اتسر النفس  
رديت والموعده جزه  
لامر علي  
لا دز مسج  
لا كال عذرك التمس  
يا فشلتني - يا حيرتي  
ياروحي موتها القهر  
وجروح متروسه ترس

## آنه - اخاف

خاف اوصل للنهر  
ما الكه ماي

خاف ازرع  
والزرع يعطش يموت  
وخاف امر بسنين  
حرمان وعجاف  
وخاف احط ايدك بديه  
وارد مكطوعات  
اديه من الجتاف  
يوسف امامن  
تره بخوانه جان  
لطخو الدم ابقميصه  
وصاحو اعله الذيب حاف  
ليش اخاف ؟؟؟؟  
الدنيه مايبيها امان  
وسجة القانون عوجه  
والعدل بيه انعطاف  
باكني - واكبال عيني



ومن صحت هاذة حرامي  
ضمو اليوكه وصفت  
- تحت اللحاف  
ليش اخاف ؟؟؟؟؟؟؟  
الدنيه صارت للقوي  
و ضد الضعيف  
ماكو للفقره حمايه  
ولا انصاف  
ها  
انه مو حكي امن اخاف ؟؟؟

## امل عمري

يا امل عمري الجنة اركض وراه  
وجان من ابعـد حلم بعـيوني  
جنة احلم بيه واعتبره سراب  
وجنت اضمن و ما اصدك اضمنوني  
نوبه اصدك نوبه اعتبره بعـيد  
وياصفه البـيها هلج ينطوني  
لاني صاحب مال لاعمري شباب  
لاكرائب خاطر أيقبلوني

-----

راحت ايام واجت وانه ابعـذاب  
وحتى اهلي مدوهـن يشوفوني  
---- لاكن الحب مايعرف المستحيل  
ابسرعه اجه خيره وترس ماعوني  
ابساع طلعت شمسـه والليل انجله  
والظلام اصبح ضوه بعـيوني  
ووزعت عمري ضوه واصواني كيك  
وربـعي اجو كلهم الي ايهنوني  
يافرحتي البـيج ابد ما تنوصف  
يا حبايب هلهـلو وسمعونـي

فرحو وياي ابفرحتي اليوم عيد  
وابمراجيح العشك هزوني  
انه مجنون ابمحبتي ياهناء  
وانه متباهي واحب اجنوني  
ياسعادة عمري ياروحي ومناي  
حيل راح اصرخ احبج اني موت  
واليسمعوني تره أيعذروني  
انتي حبي

- انتي روحي

- انتي ماي عيوني

## اشكيلك حاله

يا استاذ اشكيلك حاله  
وهم مریت ابهاي الحاله  
كلبي من ايشوفه ايضل ايدك  
ايدك ويفحط مدري شماله  
لا انه ادري شصار بروحي  
ولا دكتور ايشخص الحاله  
مرّات اتباوع بعيونه  
عيونه ايشجن كلبي ابقاله  
ومن احجي النكته ويتبسم  
عيد يصير ويضوي هلاله  
ولو ناداني ابصوته باسمي  
يرد عمري ويضون اماله  
عندي اجمل واحد بالكون  
وماكو ابهاي الناس امثاله  
ولو يوم ايمر وما شوفه  
ضلمه الدنيا ومامش لاله

-----  
يا استاذ  
-----

ارجوك اتشاركني ابهمي  
وكلي شلون اتطيب اجرودي  
اوصفلي علاج الها الحاله  
بلكي شويه اتهود رودي  
بلكت تنشف دمه عيني  
وبلكي شويه ايهود رودي  
ياروض الحب طك وخضر  
يا وردة حبه ازهي وفودي  
هيج الحب أيخبل ابنا دم  
وودي الحب يكتل من يودي  
يا عالم ثارينني ابحبها  
طايع بس ما ادري ابرودي

## صعبه

صعبه تبقى ابلا محبه  
صعبه تبقى ابلا حبيب  
بين اهلك انتة عايش  
بس تحس نفسك غريب

-----  
صعبه تبقى الدنيه صحره  
من الندى مايبها قطره  
واسعه  
- ووحشه  
- وبعيده  
وساعة الساعه  
يغدرك بيها ذيب

-----  
صعبه ينزف دوم جرحك  
ولا تمر ساعه ال تفرحك  
ولا شفافك مره تضحك  
وانته تدري الحب طبيب

-----  
- اذن ما عندك مشاعر -

وانته صعبه اتصير شاعر  
الما يطب دنيه المحبه  
يطلع امن اسنيينه خاسر  
وما يشوف ابعمره طيب  
صعبه تبقى بلا محبه  
وصعبه تبقى بلا حبيب

# اسعيد

اسعيد زلمه صاحب بيت  
ومربيله كومه ايتام  
لا عنده شهاده  
ولا له مورد خاص  
ولا راتب ينفعه ابشدة الايام  
اسعيد يشتغل حارس  
على الزنكين  
ومامن ابسده اينام

-----

اسعيد بالتجاوز  
- ساكن ابايجار  
ما عنده ملك  
ما عنده محل -  
امرتب وبنيه جام  
بس عنده شهامه -  
ومرجله - ونخوه



شامخ كالنخيل  
وما يطخ الهام  
اسعيد بالصلاه والصوم  
كلش ملتزم بالدين  
عالمقسوم يفطر  
من يصيح اذان  
بس ما فطر يوم  
وكضه عمره اصيام

-----

اسعيد من يجيه العيد  
كلها اتريد عيديات  
كلها اتريد منه اثياب  
وهو ابثوبه القديم الفصله العام

-----

يوزع - الله كريم وصبر  
ع الايتام  
ومن كثر السجود  
ابكصته صار اوسام  
اسعيد من تشوفه

ابوجهه ملح الكاع  
وي حر الشمس  
والعوز - ذاكه  
-وضنكة - الايام  
اسعيد صبره صبر ايوب  
ومثل صبر الوطن  
عالظلم و الظلام

# اريد انساك

اريد انساك - وانتہ ارجوك تنساني  
ولا تذكر بعد اسمي  
ولا اسمك اجيبه ابطارف الساني  
ولا تسهر بعد وانتاظر اطيوفي  
ولا اسهر واطل لطيفك امتاني

----

حبيبي ارجوك  
احرك كل مكاتيبي  
حبيبي ارجوك  
احرك حتى عنواني  
لان درب المشيته وياك  
مابيه كل نهايه وماكو حل ثاني

-----

اذا كَتَلَكَ حبيبي اوفي  
كبل لاتحجي ادري اشرايح اتكلي  
شنتظرك؟؟؟؟؟؟؟؟؟؟  
اذا ريل العمر باخر محطه ايصيح

واذا فات العمر - جا بعد شيطان لي  
تعال انحط عشكته ابخشبة التابوت  
وعلى حبه صلاة الميت انصلي

-----

كضيت العمر شجره ابسموم الصيف  
واشواكك ربن وارتون من ظلّي  
وانه الرّخصت روجي وعزّيزه الروح  
وانته شما ارخص شفّتك اتغلي  
وانه اتنازلتلك لحد اخر ساف  
وانته شما انزل سافك أيعلي  
شفّت حبك قطار وخم الولايات  
تهت والناس غربه ومحد أيدي  
وشفّت حبك بحر والروح كشايه  
مابيه كل جرف جا المن اتولي  
وشفّت تعب التعبته وياك ما غزّر  
وانه ابدال الملح دم ركبتني امخلي  
اريد انساك

وانته ارجوك تنساني  
وخل طاري العشك  
ويه الهوه ايولي

واريد اصبر

واكل للروح

ياروحي ابطواري اشواكنه اتسلي

# روحي اعله روحك

چنت روي  
اعله روحك  
تحتريگ دوم  
هسه ارتاح اذا  
تحتريگ روحك

-----

وچنت جرحك  
اضمده واسهر وياك  
هسه افرح اذا  
تنزف جروحك

-----

يالوح الزجاج  
الچنت اداريك  
جبت حصوه  
ارد احطم بيها لوحك

-----

سهرت اعليك  
ليل اشتاي اداريك





ايتمايل طولها  
لو هبت انسام  
وعطرها ايفوح  
هيل ويطرس الكون

اجت جابت رسالة  
شوگ واهيام  
امحملتها  
ابعتب ليلي  
اعله مجنون

تگول اشما جزه عام  
ويمر عام  
حبي ايزيد الك  
رغم اليعذلون

هلي واهلك  
يحلو الطول ظلام  
يريدون ال حبل حبه يگطعون

اشد حبل الوصل  
و اوگف ع الاجدام  
ابوجه كلمن



لعد حبله يحلون

واظل ذيج الحبيبه  
وذيج الاحلام  
ال بيها الناس  
اذا حبوا يحلمون

لان غلبي الك  
بس رفر ف وحام  
وصدته انتة  
گبل كل الیصیدون

وحگ ربنة  
ومحمد هادي الاسلام  
احبك مدام  
الشمس بالكون

## هله

هله بالمجبله  
واتفوح عطور  
وشعرها امسرح  
وينحسب وحدات  
سود امكحلات  
وجفن مسحور  
عدها عيون  
وامخجله الغزالات

ابصدرها اثنين  
بيض وجنهن طيور  
يتناغن شبه لغط الحمامات  
اعشگتها انه  
عشگ فراشه لزهور  
ومثل عشگ الگمر  
من هوه النجمات

واحس ابشوگها  
وي دمي ايدور

ووي نبص الغلب  
محسوب نبضات  
كثلتها يحلوه  
اليحب معذور  
لون يسهر ليالي  
ويجر حسرات

حجتلي وصوتها  
بيه نغم مسحور  
شبه نغمة بوذيه ودارميات  
كالتلي اليحب  
يصبر على الجور  
لمن يفرجها اله  
رب السماوات

على حلمة احبك  
منع محذور  
وعلى شفافي  
تموت هوايه چلمات

العواذل كابلوني  
اسنين وشهور  
ابد ما غيروني

وهاذ هيهات  
كَلْتَلْهُم اَحْبَه  
وبيه مجبور  
و وافيله لمن تدنى المعذرات

واحط اعليه قسم  
حفار الكبور  
يدفني عدل  
وي ولفي  
لو مااa

# مغرور

مغرور سميتك ولك  
وعيون عندك ماله  
كالبي الهواك  
امن الزغر  
امن كبرت اتكابه

رباك بدموع وسهر  
وعينه اعله دربك  
شابحه  
وانته ولا  
توفي ابوعد  
دوم ابصودك جارحه

بنزف وابد ماينگطع  
شريان حبه  
ال ذابحه  
بس انته ماتوفي ابوعد  
دوم بصدودك جارحه

ندريك آيه من الحين  
واعطور خدك  
فايحه  
وتشبه لعد  
ريم الفله  
ابروض الربيع  
وسارحه

لكن يمحبوب الغلب  
ولف اليحبك  
صارحه  
تهواه؟  
لو يقطع امل؟  
منك ويقره الفاتحه  
\*\*\*\*\*

دليلي الغير شوگك --- ماتراده  
ح چايه الناس عنك -- ماتراده  
انا روجي التكرهه --+ ماتريده  
لون يعلگ العشره اشموع اليه

# گبل چنه

بعدني ابغز شبابي  
وعمرى بعده از غير  
والشيبات ذنى  
من القهر طلعت

وبعدني اتواعد  
ويه البيض  
واعشگهن عشگ مجنون  
واتجنن  
وبعدها الروح خضره  
وتشتهي التفاح  
وخدود السمر  
تفاح وملون

عشت عمري ايشبابي  
وعاشرت جيلين  
هذه الجيل  
بالحب صار يتفنن  
گبل چنه  
اذا واحد يحب وحده  
يظل لازم خفاره  
و واگف ويه التيل (عمود الكهرباء)  
بلكي عطور ولفه  
ويه الهوه ايهبن

واذا راح وخطبها  
اتصيرلك هوسه  
ابن عمها  
عليه ينها  
ومگاوير العشيره  
ال چتلتته ايحضرن

وگبل چنه  
آنه وصاحبني نقره  
على الفانوس



وگلوبات ماكو  
ابيتنا ايضون

ولمن نمتحن  
احسن نتيجه انجيب  
وامي اتبشر امه  
وبينه يتباهن

بس هسه  
يخلص الوقت  
طالبنه على التلفاز  
لو يسمع اغاني  
وحاط الهدفون  
وتحاضيره ودروسه  
ويه الهوه انهملن

واذا صار امتحان  
ايحير واشيقره  
ويادرس الذي يقراه  
واتمحن

ذب روحك على دروسك  
يطالبينه  
تره الموطن  
الك ينظر ويتمعن  
لان انتہ الامل  
والزود بالله وبيك  
ادرس بالعلم  
بدروسك اتفنن  
المستقبل تره بزودك الحلوات  
اهن صرح العراق  
الشامخ ايعن

یاعید

يا عيد  
وين الفرح  
وين الفرح يا عيد

[illegible]

كل الخلق عیدت  
وانشجبت اید باید  
بس آنه اهل دمع  
وایحنی جف الاید

يسألني كل من يمر  
حزاناً شنهى اتريد  
شنهى الذي ايفرحك  
والحالتك شيفيد

گلتلهم ابقى ابهنه  
والام گلبى اتهد  
بس كون ولفى بجى  
ونتساج ايد بايد

گالولى  
ولفك رحل  
و اولامه صار ابعيد  
گلتلهم ابقى ابزن  
حتى ابليالى العيد

گالولى عشگك مثل  
قيس العشگ ليلاه  
گلتلهم انه اشد  
بلواي من بلواه

يجرحني مية جرح  
ما مره صحت احاه  
ونيرانه تحرك حرگ  
تجوي واصيح اشاه  
ولو مر عليه ابتسم  
وامسح دمع فرگاه  
وانهض نحيل الجسم



# تلگاني والگاک

الگاک واحه  
من ابفرح  
غابة حزن تلگاني

وافراحك انتہ  
اتضاعفت  
واضعافهن احزاني

الگاک وين  
ابيا كثر  
يالتيهتني  
وضيعت عنواني

وانہ الجنت  
اكبر امل  
بالحب يخايب باتي  
شبساع ينهار الامل

لحضة خيانه  
اتهدم اشكد باني

ولو عاتبيتك تنهظم  
وانه الهظم  
شارب ابدمي  
وماكل ابوجداني

واتكلي عوف الحب وامش  
ياولفي جا هو الحب لعب  
واتريد بيه خسزاني  
الحب احساس وعاطفه  
والحب حلم انساني  
الحب مو خيانه  
ابلا وفه  
وانساك لو تنساني

من كون مليت الهوى  
ومالك خلگ تهواني  
گول ابصر احه  
ابلا خجل  
وابحث الك  
عن ثاني

وانه اصبر  
واضمد كل جرح  
واضغط عليه  
اشمانزف شرياني

وابقى آنه  
----- ذاك آنه الوفي  
لا عوف حبي  
----- ولا امل خلاني



# احبك

احبك كلمه حيرانه  
غفت سنتين بشفافي  
احبك

وانه الك سهران  
وانته امدد وغافي  
احبك

وارد اصيحن حيل  
حبيبي من الخجل  
كافي

حبك نايم بروحي  
عوافي ابنومته  
امشر غد

واسكت ونة جروحي  
اخاف اتفزره  
ويگعد  
واغطيه ابكايه الروح

## اخاف اعلیه

## یستیرد

## وتصيح اظلوعي

## احسنہ

## لون واحد گرب ینشد

إذا ها غربك اعله الروح

# يا هو العلمك تبع

## واذا تهواني

وانه اهواك

## لېش اتعلمت عالصد

## يالحليت حبل الشوك

## لا تحسب بعد ينشد

وياجازيتني ابهر

## اجازيك ابهر وازيد

## انسانا انا انا

## واكلحل العين

من دمع الهجر مرود

## حب وپيه

## تعذیبی

## فلا ينراد -- يمعود

# لعب اچجاب

مو گلتي  
اصير ابشدتڪ عون  
واذا حملك نگل  
لمتونني ارچي  
واذا همك كثر  
من عسر دنياك  
ذب النص عليه  
وعيب تشچي

واذا ريل العمر  
عنك جزه وفات  
خل يوصل محطتنه  
ويوچي ----- (يقف)

شجاه گلبج عليه  
اتبدل ابساع  
واتلاها المحبه  
اتصير هچي

عشرتي وياچ  
طلعت لعبة ا چعاب  
نوبه ينام حضي  
ونوبه يلچي

## ما معذور

ياجنة احلامي  
وتيهة افكاري  
يا شدوة غنائي  
ويالحن مسحور

يا فرحة حياتي  
وسلوة همومي  
يا ورده التفوح  
وملت عمري عطور

يابستان ومحمل  
رطب گنطار  
اخضر جان عثگك  
وانتظرتة شهر

لاتنغر ابحسنك  
والجمال ايروح  
والايام الالك  
باجر عليك اتدور

الذنيه حبيبي  
لا تغرك حيل  
تمشي اسنين عمرك  
والوكت ناعور

آنه الجان صدري  
فراشك امن اتنام  
وظلوعي المخده  
وجفني الك ناطور

ومن تعطش  
دمع عيني  
اجمعه بكاس  
ابلل بيه شفافك  
وابكلب مسرور

تالي  
حجاية العذال  
تلعب بيك  
تطش اسرار حبه  
ابكل جنح عصفور

واجيت اليوم تتعذر

لا والله  
اليعوف احبابه  
ما معذور  
مامعذووووور

# السيرة الذاتية للشاعر عبد راضى الشامى





انا الشاعر عبد راضي راهيم سلمان الشامي تولد  
1953 العراق الناصريه درست الابتدائه والمتوسطه  
والاعداديه في محافظة الناصريه كتبت الشعر منذ  
صغري اول هويه احصل عليها من جمعية الشعراء  
الشعبيين عام 1982. شاركت في معظم المهرجانات  
الشعريه القطريه والمحليه وشاركت في كثير من  
المسابقات في القنوات الفضائيه العراقيه اشتركت في  
مسابقة شاعر النيل والفرات في جمهوريه مصر  
العربيه وحصلت على تكريم من قبل ادباء وشعراء  
مصر الكرام على لقب الشخصيه الثقافيه لعام 2018  
وحصلت على تخفيض لطبع دواويني القادمه بنسبة  
15% طول العمر وبذلك اوجه شكري واحترامي  
للقائمين على هذه المسابقه وبالاخص الاستاذ  
والشاعر الكبير ناجي عبد المنعم رئيس مجلس إدارة  
دار النيل والفرات للنشر والتوزيع

## محتوى الكتاب

2	بطاقة الكتاب
3	إهداء
4	المقدمة
5	السفر
6	نخل السماوه
7	أمى - أمى
9	اريد انساك
11	شكتب الكم
13	مر بيه
16	شيسرعه رحت
18	يهواى
20	ينعناعه
22	ياالمعبد
26	ياكلبى
28	يازين
30	يادكتور
32	وين اضمك
35	من كالك
36	من تنزل لمطر
38	مشكور
40	رديت
42	دمعه
44	حبيبى انتة

45	جروحي .....
46	جرح الحبيب .....
48	جاي وجكاره وشعر .....
50	بيت الطين .....
53	باجر عرس .....
56	آنه - أخاف .....
58	أمل عمرى .....
60	اشكيلك حاله .....
62	صعبه .....
64	اسعيد .....
67	أريد أنساك .....
69	روحي اعله روحك .....
71	فاتن .....
74	هله .....
77	مغرور .....
79	كبل جنه .....
83	ياعيد .....
86	تلكانى والكاك .....
89	احبك .....
91	لعبة اجعاب .....
93	مامذور .....
96	السيرة الذاتية للشاعر .....
98	محتوى الكتاب .....